

SAKSPAPIR

Saksnr	Utval	Type	Dato
023/22	Heradsstyret	PS	10.03.2022

Saksbehandlar	ArkivsakID
Runar Ludvigsen	22/545

Delegering av mynde frå Heradsstyret til Plan- og kommunalteknisk utval - forskrift om minsteareal for hjort

Vedlegg:

Vedkomande utsendt høyringsbrev om mindre endringar i minstearealet for hjort - presisering av høyringsfrist

Hjort_TildelteOgFelte 2012-2021

Hjort_ProsentFelte Mjeldalen_Lonevåg_SandalHV_2010-2021

Endring av forskrift om minstearealet for hjort i Osterøy kommune

Rådmannen sitt framlegg til vedtak:

Heradsstyret gir Plan- og kommunalteknisk utval delegert mynde til å handsame og vedteke ny forskrift om minsteareal for hjort i Osterøy kommune

(A)

Reglement for plan- og kommunalteknisk utval vert endra slik at følgjande setning vert lagt til i §2:

"Osterøy heradsstyre delegerer mynde til Plan- og kommunalteknisk utval å vedta forskrift om minsteareal for hjort."

Endringa får umiddelbar verknad.

(B)

Osterøy heradsstyre registrerer at sak 030/17 «Endring av minsteareal som grunnlag for fellingsløyve på hjort i Osterøy kommune» i plan- og kommunalteknisk utval aldri var effektuert og ber utvalet ta denne saka oppatt til ny handsaming i ekstraordinært møte 15. mars 2022.

I tillegg til dokumenta i saksutgreiinga for sak 030/17 skal utvalet også nytta følgjande dokument:

- Norsk institutt for naturforskning (NINA) sin rapport «Hjorten i Osterøy kommune - Status, utviklingstrender og forslag til bestandsforvaltningen», frå november 2021,
- Alle innspel til utsendt høyringsbrev om mindre endringar i minstearealet for hjort frå landbrukskontoret i Osterøy kommune, februar 2022,
- Andre relevante dokument.

Heradsstyret - 023/22

HS - behandling:

Framlegg og votering kjem fram av voteringsprotokollen som ligg ved nedst i møteprotokollen

HS - vedtak:

(A)

Reglement for plan- og kommunalteknisk utval vert endra slik at følgjande setning vert lagt til i §2:

"Osterøy heradsstyre delegerer mynde til Plan- og kommunalteknisk utval å vedta forskrift om minsteareal for hjort."

Endringa får umiddelbar verknad.

(B)

Osterøy heradsstyre registrerer at sak 030/17 «Endring av minsteareal som grunnlag for fellingsløyve på hjort i Osterøy kommune» i plan- og kommunalteknisk utval aldri var effektuert og ber utvalet ta denne saka oppatt til ny handsaming i ekstraordinært møte 15. mars 2022.

I tillegg til dokumenta i saksutgreiinga for sak 030/17 skal utvalet også nytta følgjande dokument:

- Norsk institutt for naturforskning (NINA) sin rapport «Hjorten i Osterøy kommune - Status, utviklingstrender og forslag til bestandsforvaltningen», frå november 2021,
- Alle innspel til utsendt høyringsbrev om mindre endringar i minstearealet for hjort frå landbrukskontoret i Osterøy kommune, februar 2022,
- Andre relevante dokument.

Saksopplysningar:

Saksopplysningar:

Bakgrunn

I Plan- og kommunalteknisk utval (heretter kalla PT-utval) den 26.01.2022 vert det fremme ein sak om handsaming av ny forskrift under sak 013/22 «Andre saker/spørsmål». Det vert i saka vedteke følgjande:

«Det vert vedteke å senda revidert forskrift FOR-2009-05-27-1081 ut på ny høyring for å leggja til rette for å oppnå ei auka avskyting for å redusere hjortebestanden som påpeika frå fleire hald, mellom anna NINA rapporten, og sterke ynskje frå Bondelaget med fleire.

Det vert føreslege å endre forskrifta der minstearealet som skissert i gjeldande forskrift vert betydeleg redusert for å sikre ei større avskyting. Sonestruktur vert og vurdert redusert til færre soner.

Administrasjonen får fullmakt til å utarbeida og senda på høyring forslag til revidert forskrift»

Det har i etterkant av møte vore usikkerheit om det ligg til PT-utvalet å gjere vedtak i denne saka.

Det følgjer av reglement for PT-utvalet §2 første ledd at utvalet «skal handsame og har avgjerdsmynde i saker [...] innan landbruk-, natur- og viltforvaltning [...]».

Vidare står det i §2 fjerde ledd, punkt 5 at «Utvalet skal gje innstilling til heradsstyret i saker som gjeldt: Landbruk/skogbruk/Jakt/fiske/vilt»

Vurdering

Rådmannen finn ikkje at det ligg eksplisitt og eintydig i reglementet at PT-utvalet har mynde til å vedteke forskrift. Ein forskrift må ha gyldig heimel i lov, men er i likskap med lov bindande og gjeldt innbyggjarane sin rettar og pliktar. Ein forskrift kan berre fastsettast av offentlig mynde: stat eller kommune. Rådmannen er av den oppfatning at ein forskrift er noko anna, og på eit heilt anna nivå,

enn ein ordinær «sak», slik reglementet sin ordlyd seier.

Det er heradsstyret som sitt med øvste mynde i Osterøy kommune og ein delegering av mynde, etter kommunelova §5-3, til fastsetting av forskrift må vere eintydig og klart i eit reglement. Dersom dette ikkje er klart kan ikkje mynde ligge nokon anna plass enn hjå heradsstyret.

I «reglement for delegering av mynde frå heradsstyret» §2.3 står det: «*Ved tvil om kva som er rett organ for handsaming av og avgjerd i ei sak, tek ordføraren stode til spørsmålet [...]*». Ordføraren har i denne saka konkludert med at han ikkje finn at det ligg til PT-utvalet sitt mynde å fastsette forskrift, sjølv om forskrifta gjeldt jakt og vilt. Ordføraren kallar difor inn til eit ekstraordinært heradsstyremøte, slik at heradsstyret kan handsame og vedteke om PT-utvalet skal få mynde i denne saka om fastsetting av forskrift om minsteareal for hjort.

Årsaka til at det vert kalla inn til eit ekstraordinært heradsstyremøte er at forskrifta må vere vedteke innan 15.03 for at den skal vere gyldig og gjeldande for jakta allereie i 2022, jf. Forskrift om forvaltning av hjortevilt §6 andre ledd, andre punktum.

Dersom heradsstyret vedtek delegering av mynde i denne saka til PT-utvalet kjem PT-utvalet til å ha eit ekstraordinært møte den 15.03.

Konklusjon

Saka vert lagt fram for heradsstyret for handsaming og avgjerd.